



29. november 2019

Aalisarnermut, Piniarnermut Nunalerinermullu Naalakkersuisoqarfik

## **Tusarniaanermut akissut: Qilalukkanik qaqortanik qilalukkanillu qernertanik 2020-mut pisassiissutit**

Aalisarnermut Piniarnermut Nunalerinermullu Naalakkersuisoqarfiup (APNN) qaqortanik qernertanillu qilalugartassissutissatut siunnersuutit oktobarip 28-anni tusarniaassutigaaat. Kalaallit Nunaata Kitaanut pisassiissutissatut siunnersuuteqarnerni NAMMCO´mi JCNB´millu biologit siunnersuisimanerat malinneqarpoq, marlunnilli nikangassutitaqarpoq:

- 1) APNN Nuummumut Paamiunullu qilalukkanik qaqortanik aqqaneq marlunnik, Narsamut, Qaqortumut Nanortalimmullu qilalukkanik qaqortanik arfineq pingasunik pisassiisoqarsinnaanerani siunnersuivoq. Sumiiffinni taagorneqartuni ukioq manna oqaluttuarisaanermi aatsaat taama aasarissaartigisimasuni qaqortartassiissutaasimasut sinneri pisarineqanngitsoortut ataasiakkaat illersorniarlugit NAMMCO Kitaani 65°N-ip kujasinnerusortaani qilalukkat qaqortat piniarneqartariaqannginnerinik innersuuteqarpoq. APNN qilalukkanik qaqortartassiissutaasunit 20-t Kitaata kujasinnerusortaanut nuussisoqarnissaanik siunnersuivoq, tamannalu malinneqassappat sumiiffiup siornatigutulli qaqortanik qilalugaqarfioqqilersinnaanissaanut periarfissat ajorseriartupilussuusaapput.
- 2) JCNB/NAMMCO-llu ilisimatuussutsikkut suleqatigiisiitaanit innersuussutigineqarpoq Uummannami, Upernavimmi Qaanaamilu juunimiit augustimut qilalukkanik qaqortanik piniarneq matoqqatinneqartassasoq, Qeqertarsuup Tunuani juunimiit oktobarimut kiisalu Kangaatsiap kujataaniittuni maajimiit oktobarimut qaqortanik qilalugarniarnerit matoqqatinneqartassasut.

Tunumut tunngatillugu siunnersuutigineqarpoq qernertanik qilalugartassiissutaasartut amerlassutsimikkut 2020-mi 50-iniit 2023-mi 20-nut ikiliartuaartinneqarsinnaasut. Ittoqqortoormiit 2020-mi 40-nik Tasiilarlu qulinik pisassiivigineqarsinnaasut kiisalu Kangerlussuaq pisassiivigineqartariaqanngikkaluartoq siunnersuutigineqarpoq. Pisassiissutiginiarneqartut NAMMCO-p siunnersuisoqatigiivisa innersuussutigisaannit amerlanerungaatsiartut NAMMCO-p ilisimatuussutsikkut suleqatigiissitaata pisarineqarsinnaasussatut innersuussutigisaanit nutaanerpaamiit amerlanerujussuupput.

NAMMCO-p ilisimatuussutsikkut suleqatigiissitaata 2017-imiit 2019-imut innersuussutai naapertussagaanni Ittoqqortoormiini ukiumut qulinik Kangerlussuamilu ukiumut qulinik pisassiisoqartassagaluarpoq kiisalu Tasiilap eqqaani 68°N kujataani pisassiisoqartassanngikkaluartoq innersuussutigineqarpoq.

NAMMCO-p ilisimatuussutsikkut suleqatigiissitaa november 2019-imi naliliivoq Tunumi qilalukkanik qerneqassuseq ima massakkut kinguariarsimatigisoq ukiumut pisarineqartartut ikilieri- arujussuaraluarpataluunniit Tunup Avannaarsuata eqqissisimatitaasup kujataani peqassuseq kinguariartuinnassasoq. Ilisimatuussutsikkut suleqatigiissitaaq inerniliivoq qilalukkat qerneta- qatigiiaat taakku pingasut ilanngaavigeqaqqinneqartariaqaraluangitsut, taamaattumillu sumi- iffinni pingasuni taakkunani qilalukkanik qernertarniartarnerup piaartumik unitsinneqartari- aqarnera innersuussutigineqarluni. November 2019-imi ilisimatuussutsikkut siunnersuineq NAMMCO-p siunnersuisoqatigiivisa suli isummerfigisiangimmassuk NAMMCO-p pisortatigo- ortumik siunnersuina, tassa Ittoqqortoormiitut qulinik, Kangerlussuarmut qulinik Tasiilamullu 0-imik qilalukkanik qernertartassiineq suli atuuppoq.

Ittoqqortoormiitut aappaagu 2020-mi 40-nik qilalukkanik qernertanik pisassiisuteqartoqarnis- saanik siunnersuuteqarneq taamaalilluni biologit siunnersuinerannit 300%-inik qaffasinneru- voq. Tasiilamut qulinik pisassiisoqarnissaanik siunnersuuteqarneq sumiiffiup qilalukkanik qer- nertanik piniarfiunngikkallarnissaanik innersuussuteqarnermut aamma naapertuutinnigilaq, taamaattorli aappaagu 2020-mi Kangerlussuarmut qernertartassiisoqannginnissaanik siun- nersuuteqarneq 0-10-it akornanni qernertartassiisoqarnissaanik pisortatigoortumik siunnersui- nermut naapertuulluni kiisalu ilisimatuussutsikkut suleqatigiissitat pisassiisoqannginnissaanik nutaamik siunnersuinerannut naapertuulluni.

Tunumi maanna qernertanik qilalugarniartarneq piujaannartitsiniarnermik tunngaveqarluni iluaqutiginninnertut nalilerneqarsinnaanngilaq, taamaattumillu sumiiffinni pineqartuni qilaluk- kat qernertat ikilinerunissaannik kinguneqarnissaa naatsorsuutigineqarsin- naassaaq.

In.In.

Fernando Ugarte aamma Lars Witting